

REGIONAL NEWS BULLETIN

HEADLINES (MORNING)

- 1. Larsap Dr Hari Babu Kambhupati an Mizoramah ruihhlo leh a kaihhnawih a hluar nasa hle tih sawiin mi tin te ruihhlo do kawngah tanrual a ngai a ti.
- 2. Mizoram sorkar hnathawkte Dearness Allowance chu tun November thla atanga hman tan turin, zaa 4 a tihsan a ni.
- 3. External Affairs Ministry chuan India leh United States te chuan mipuite hmasawna tur leh remna leh muanna a awm theih nan an thawk dawn a ni a ti
- 4. Supreme Court chuan Sawrkar hna laknaah a lai laklawha kalphung thlak thut theih a ni lo a ti.



NASHA MukT BHARAT ABHIYAN

Larsap Dr Hari Babu Kambhupati an Mizoramah ruihhlo leh a kaihhnawih a hluar nasa hle tih sawiin mi tin te ruihhlo do kawngah tanrual a ngai a ti.

Ruihhlo leh a kaihhnawih hrang laka India ram a fihlim theihna tura sawrkar laipui Ministry of Social Justice & Empowerment leh Brahma Kumaris tangkawp hnuai hmalakna Nasha MukT Bharat Abhiyan hawna hun a hmanpui na ah he thu hi sawiin Larsap chuan Mizoram chu hmun nuam leh ralmuang anih bakah nunphung mawi tak lantirna hmun anih laia ruihhlo in nasa taka bu a khuar chu pawl atih thu sawiin nasa taka tan lak a ngai a ti a, thalai leh zirlaite ah nasa zawka tan lak a ngai zual tih sawiin a thatlohzia hrilh hriat kawngah mi tin te tanrual a pawimawh tih a sawi.

Larsap chuan sawrkarin Nasha MukT Bharat Abhiyaan kaltlangin hmalakna tam tak a nei tawh a ti a, Kohhran leh tlawngai pawl te pawhin tha thlahlo in hma an la thin tih sawiin hengah hian mipui thlawpna an mamawh hle a ti a, nasa zawka hmalak a ngai tih sawiin mi tin te ram tana ke pen theuh turin a sawm a ni.

Larsap chuan kawng hrang hrangah ram pum huapa thalap chhuanawm Mizoramah tam tak an awm a ti a, Mizoram chu boruak nuam tak leh hmun ralmuang tak a nihna duhtawk mai loa ruihhlo awm lohna hmun ni thei turin mi tin te mahni hma zawn theuh ah theitawp chhuah turin a sawm a ni.

(DESK)



NCST MEMBER

Mizorama cham mek National Commission for Scheduled Tribes (NCST) Member Pu Nirupam Chakma an Kamalanagar a tlawh a, NCST member anih hnu a tlawh hmasakna ber a nih avangin CADC chuan a hmuahna ropui tak an buatsaih sak a ni.

Pu Nirupam chuan NSCT team hian nakum January thlaa Mizoram an tlawh hun tur atana a inbuatsaih nan tun tumah hian Mizoram rawn tlawh anih thu a sawi a, mipuite chu an harsatna leh vuivaina te a hnena thlen tura chahin a ngaihtuahthei thuneitute hnenah a thlen chhawng ve leh dawn a ni a ti.

Pu Nirupam Chakma hian tukin dar 8 atangin NGO, civil society leh Village Council aiawhte a kawm anga, chawhnu lamah Chawngte Sub Division hotute, CEM, Chaiman leh MDC te a kawm bawng.

Nimina Akashvani Corr in a kawmnaah Pu Nirupam chuan Tribal tana hamthatna hrang hrang sawrkar laipuiin a ruahman chang thei turin mipuite hrilhhriat kawngah tan lak thar a ngai a ti a.

Mizoram chu a nawlpuiin Scheduled Tribe an ni a ti a, sawrkar laipuiin Tribal tana hamthatna hrang hrang awm chu an hman tangkai theih nan hmalak a ngai tih sawiin mipui hriselna, eizawna kawngah leh zirna kawnga hma an sawn theih nan sawrkar laipui atangin tanpuina tam tak a awm thei tih sawiin state sawrkar pawhin bawhzui chak a ngai a ti a, kut themthiam kawnga eizawna bultan kawngah sawrkar laipui atangin tanpuina awm thei ang ngaihtuah a ngai tih a sawi bawng.

(BYTE..NCST MEMBER) 37 secs

Pu Nirupam Chakma hian Social Welfare, Tribal Affairs and Women & Child Development Department hotute leh Department-a thawk dangte kawmin NCST Full Commission in nakum January thla tawp lamah Mizoram an tlawh tum thu sawiin hemi atan a tul tul ruahmanna te lo siam turin a chah a, NCST chu India Danpui hnuai Scheduled Tribes te an dikna leh chanvo an dawn tur leh hengte humhalha enzui turte leh kawng hrang hranga an hmasawna chungchanga Sawrkar Laipui thurawn petu atan din a nih thu sawiin NCST chuan heng bakah hian ST te chung a tihduhna emaw hleilenna emaw a thlena palha NCST thuneihna chunchangte pawh a sawilang a. NCST Full Commission chuan nakum January thla tawp lamah Mizoram an tlawh duh thu sawiin hemi chungchanga ruahmanna te chu uluk taka siam nise tiin a duh thu a sawi a ni.

(DESK/Lalnggheta Ralte Lawngtlai PTC)



DA ENHANCED

Mizoram sorkar hnathawkte Dearness Allowance chu tun November thla atanga hman tan turin, zaa 4 a tisang,

Sorkar thuchhuah tarlan danin, tuna DA zaa 36 pek thin chu zaa 40 ah tihsan a ni a, a punna hi a pawisa faia pek tur a ni dawn a, hei bakah hian sorkar chuan a pek dan turah ruahmanna hrang hrang a siam a ni.

(Corr)



HORTICULTURE MINISTER

Horticulture Minister Prof Lalnilawman n Thenzawla Lamlian Dung Zau Dragon Fruit Hmun a tlawh a.

Prof Lalnilawma chuan Lamlian Dung Zaua huan neitute thawhrimzia leh an hmasawna te chhuanawm a tih thu a sawi a. Kuthnathawktute tana hmalak chu sawrkar au hla a ni a, theitawp chhuah a kuthnathawktute tana tan lak zel an tum thu a sawi a ni. Food processing lama an hmachhawp sawiin Horticulture Minister chuan dragon fruit sawngbawl dan tur an zawn mek thu leh a powder ang zawnga siam an rilruk thu a sawi a. A sawngbawl na hmun tur din an tum thu leh an ruahmanna thenkhat te a tarlang a ni. Sawrkar chuan Zau (cluster) ang zawnga hmalak zel an tum thu leh, Lamlian Dung Zau ah pawh sawrkar department hrang hrang te nen tangho a hnathawh an tum dan a sawi a. Mizoram hmun dangah te pawh farmer ten a tak taka hlawhtlinna an neih theih nan Zau dangah pawh hmalak zel an tum thu a sawi a ni. Prof Lalnilawma chuan Lamlian Dung Zau neitute hmahlir leh hmachhawp te tha a tih thu sawiin Tourist Destination tha tak a nih a beiseiawm thu a sawi baw a ni.

Lamlian Dung Zau Dragon Fruit Hmunah hian kumin chhung khan chhungkaw 48 in dragon fruit quintal 557 an tharchhuak a. A thar chhuak hnem ber Pi Gaby Zosangpuii chuan quintal 21 a thar chhuak a, a rah hi thla 5 chhungin tum 9 a seng hman a ni. Heng chhungkaw 48, society a tel te hian Local Soda Pvt Ltd te nen inremna thuthlung ziakin an tharchhuah te hi an lo-ah kal chilhin an leisak thin a ni.

(DIPR)



SEC MEETING

State Election Commissioner, Dr.H. Lalthlangliana hovin nimin khan District hrang hrang Bawrhsap leh Election Officer te'n Village Council leh Local Council Electoral Roll ennawn tur chungchang video conference hmangin an sawi ho a.

Nakum, 2025 hi Village Council leh Local Council inthlan kum anih avangin, inthlan na hman theih tur Electoral Roll felfai tak siam nise an ti a, State Election Commission in Electoral Roll siamna atana ruahmanna alo siam angin, a hun taka Electoral Roll peih fel vek nise an ti.

State Election Commission-in Village Council leh Local Council Electoral Roll, 2025 siam tura a ruahman dan chuan tunthla ni 22 ah Draft Electoral Roll an tlangzarh anga Final Electoral Roll chu nakum January ni 8 ah tlangzarh tur a ni ang.

(Corr)



MZP

Mizo Zirlai Pawl General Headquarters Executive Committee Meeting, an pawl president Pu H. Lalthianghlina kaihruai a neih chuan Mizoram sawrkar-in Tribal Scholarship tur October ni 16 a a dawn tawh, tun thlenga sem la ni lo chu na zawka nawr ni se an ti a,

Tun thla ni 18 ral hma ngei a sem an duh tih an sawi a, hei bakah hian Mizoram zirnain hma a sawn theih nan, Directorate of School Education hi Elementary leh Secondary-ah then anih theih nan hma lak ni se an ti a, Zofa hmun hrang hranga awm te'n, inpumkhatna nghet zawk an neih theih nan MZP-in hma la chhonzawm zel rawh se tih te, Mizoram chhunga inkal pawhna kawngpui sialtu, NHIDCL ten tha zawka hna an thawh theih nan hma lak te, Mizoram Schedule Tribe List ennawn a nih theih nan hmalak te, Sawrkar hnathawh mahni nihna in a ken tel aia tam, hamthatna la leh hmang te sawrkarin a tih tawp theih nan hmalak te an rel a ni.

Mizo Zirlai Pawl Headquarters:Lunglei chuan thuchhuah siamin Lunglei District huam chhunga zirtirtu indaihlohna Education Minister hnena August thlaa an thlen tawh tun thlenga thuneitute lam atanga chhanna leh hmalakna awm lo chu hriatthiam a har an ti tih an sawi a. A tul dan anga hmalak chhonzawm nise an ti.

Zirtirtu indaihlohna sut kian anih theih nan a tawp thlang a tha thlah lova beih zel nise tiin Lunglei District huam chhunga hrisel lohna vang ni lova zirtirtu ai kal la an awm leh awm loh zir chianga hmalak an tum tih an tarlang.

(PR)



AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te ngaihthlak leh chhiar theih a dah a ni.



INDIA-US

External Affairs Ministry chuan India leh United States te chuan mipuite hmasawna tur leh remna leh muanna a awm theih nan an thawk dawn a ni a ti. New Delhi-a chanchinbumite kawmin External Affairs Ministry thupuangtu Randhir Jaiswal chuan Prime Minister Narendra Modia'n President elect Donald Trump a biak thu leh India-US inlaichinnate tichak turin tan tak an duh thu a hrilh a ti a. Pu Jaiswal-a chuan India leh US thawhdunna chu a pawimawh bik thu a sawi a ni.

(Byte)

(Newsonair)

<><><>

SC ON RECRUITMENT

Supreme Court chuan Sawrkar hna laknaah a lai laklawha kalphung thlak thut theih a nih lo a ti.

Judge panga awmna Chief Justice DY Chandrachud-a kaihruai chuan hnalak hmaa a lak dan tur siamsa vek tawh chu a lai laklawhah tihdanglam theih a ni lo a ti a. Ram danpui Article 14-na behchhanin thuneihna dik lo taka hman thianga a ni lo a ti a. Ramchhunga Court sang ber chuan sawrkar hna laknaah hian langtlang leh inthliarna tel loin kalpui tur a ni tih a sawi bawk a ni.

(Newsonair)

<><><>

ZAMBIA RELIEF

India chuan khawkheng tuar mek Zambia hnenah vaimim metric tonne 2500 a pe dawn. Zambia-in harsatna a tawh mek chu India chuan a ngaihven hle tih sawiin a tul anga chhawmdawl zel a tum tih Union Minister of State for External Affairs Kirti Vardhan Singh chuan a sawi a. Zambia-India Joint Permanent Commission wawi 6-na Zambia khawpui Lusaka-a neihah Union Minister Singh-a leh Zambia Minister of Foreign Affairs and International Cooperationi Mulambo Haimbe te chuan ram pahnih inkara thil pawimawh hrang hrang an sawidun a. Ram pahnih hruaitute chuan an inlaichinna tha zel leh thawhdunna tihchak zel a ni chu lawmawm an tih thu an sawi a ni.

(Newsonair)

<><><>